

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانک بهرنندن بر مجیدیه اخذ
ایدیلور

نسخه سی ۴۰ پاره در

کانون ثانی

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایتسی و چهارشنبه کونلری نشر اولنور . محتویاتی امور عدلیه به متعلقدر

تبلیغات

اوچیوز اون ایکی سنه سی اعشار مانزملرندن
حافظ توفیق افندیکن بقیه دینندن طولای اخیراً
موقع اجرایه وضع اولنان تدقیق و تصفیة بقایا قانونی
احکامندن حق استفاده سی اولوب اولدیغک استفسارینی
متضمن قسطمونی ولایتی محکمه استینافیه سی مدعی
عمومیلکنندن وارد اولوب انجمن عدلیه حواله
قلنان ۲۶ حزران سنه ۳۲۲ تاریخلی شقه ایله
ملفوظاتی اوزرینه ماترین ایله کفلاسک و یاخود
ورثه سنک املاک مرهونه و غیر مرهونه سی و ثروت
نقدیه لری بدلات التزامیه بقایاسک تسویه سنه کفایت
ایدوبده بونلر تعقیبات نظامیه اجرا سنه محل براققسنزین
برسنه ایچنده ونهایت اوچ تقسیطده تماماً تسویه سنی
تعهد و برنجی تقسیطی برآی طرفنده تأدییه ایتدکلری
حالده اوکیلرک املاکی حقنده تعقیبات اجرا اولنیوب
کندولرندن ارانیلان فائضدن صرف نظر اولنه جغنی
مین اولان قانون مزبورک اون بشنجی ماده سیله
مندرجات سائر سنک اجرای امر تطبیق وظیفه سی
محالرنجه تشکل ایده جک قومیسینورده تودیع ایدلمش
اولسنه نظراً ملتزم مومی الیه توفیق افندیکن شو
مساعده قانونیه دن استفاده سی کیفیتی مراجعت واقعه سی
اوزرینه قومیسینون مخصوصنجه تعین و تقدیر اولنه جق
خصوصاتندن بولنش اولدیغندن مومی الیه اول امرده
اورایه بلرارجعه طلب واقعی شایان قبول کورینوبده
تأخیر اجرایی ناطق ویریه جک ورقه رسمیه یی مهل
معین طرفنده دائره اجرایه ابراز ایتدیکی صورتده
معاملات تنفیذیه یه دوام اولنق لازم کله جکنک جواباً
مذکور مدعی عمومیلکه تبلیغی انجمن مذکورندن
افاده و اولوجهله محله تبلیغ ماده قلمشدر .

محاکمات

محکمه تمیز استدعا دائره سندن تنظیم واعطا
قلنان اعلامدر :

آیدین ولایتی استیناف محکمه سی جزا دائره سندن
لاحق اولوب ۲۴ ایلول سنه ۳۱۹ تاریخنده تفهیم
ایدیلان وظیفه قرارینی حاوی اعلامک تمیزینی
مستدعی محکمه مذکوره مدعی عمومیلکی طرفندن
ویریلان ۲۹ ایلول سنه ۳۱۹ تاریخلی استدعانامه
واوراق متفرعه سی باش مدعی عمومیلک بهیه سنک
۱۱ تموز سنه ۳۲۲ تاریخلی تبلیغنامه سیله محکمه تمیز
استدعا دائره سنه تودیع اولنغله لدی التدقیق مذکور
استدعانامه نک مدت قانونیه یه موافق اولدینی
اکلاشلدیغندن اوراق مرقومه دائره جه قرائت
ومطالعه اولندی .

اعلام مذکورک مالی حقوق محکمه سنده شهادت
کاذبه ده بولندقلری ادعاسیله مظنون علیهما اولان
مهاجر راشد وقاضمال منلا عامینک التیشیر ماه مدناه
حبسلینه دائر بدایه ویریلان قرارک استیناف ایدلمسی
اوزرینه جریان ایدن محاکمه استینافیه ده اشبو جزا
دعواسی تولید ایدن مسئله اولجه حقوق محکمه سنجه
تدقیق و کذب شهادتلی تحقّق ایتدیکنندن بختله
بدایه محکوم ایدیلان شاهدلرک عند التذکیه عدل
ومقبول الشهاده اولدقلری تین ایدرک شهادتلینه بناء
حکم ویرلمش و حقوق محکمه سنک حکمی مافوق
محکمه سندن فسخ و یا نقض ایدلمش و محکمه جزایه
حواله دخی قلمامش و وظیفه مسئله سنک درجات
محاکمک جمله سنده درمیان ایدلمک جوازی احکام
قانونیه دن بولنش اولدیغنه نظراً بدایت محکمه سی جزا
دائره سنجه شاهدلرک محکومیتلری جهته کیدلمسی
وظیفه لرنی تجاوز دیمک اولدیغندن بختله اعلام
ابتدائینک فسخنه و مدعینک طرق قانونیه سنه توسلده
مختار بولمنسه قرار ویرلیدکنندن و مذکور استدعانامه یه
مربوط لایحه ده مندرج اعتراضاتک خلاصه سی دخی

بر حقوق دعواسنده ادای شهادت ایدن شاهدلرک
شهادتی تدقیقه صدق و کذب احتمالی بالتفریق حقوق
عمومیه یه تعلق ایدن جهتی کورلدیکی حالده محکمه
عائده سنه حواله ایتک کیفیت مدعی شخصینک اقامه
دعواسنه و یا حقوق عمومیه مأمورینک طلب و تعقیبده
متوقف ایدوکنندن شاهدلر حقلرنده اقامه ایدیلان
حقوق عمومیه دعواسنک فصل ایدلمش اولان حقوق
شخصیه دعواسنه تعلق و ارتباطی اوله میه جغه
وبومثللو حقوق عمومیه دعواسنک اقامه سی استحصال
دلالتله متوقف و مرور زمان وقوعندن اول مدعی
شخصینک هر وقت عائد اولدینی محکمه یه مراجعتله
اقامه دعواده مختار بولندیغنه و بدایه ایسه بر کونه
وظیفه و صلاحیت مسئله سی درمیان ایدلمامش بولمنسه
نظراً اساس مسئله نک استینافاً تدقیق و رؤیتی لازمه
قانونیه دن بولندیغنی حالده بوجه محرر قرار ویرلمسی
مخالف قانون اولدیغندن بختله مذکور اعلامک نقضی
طلبندن و تبلیغنامه نک مفادی دخی لایحه ده درمیان
اولنان اعتراضات بجا کورلمش اولنغله اعلام استینافی
مذکورک نقضی لازم کله جکی بیانندن عبارتدر .

ایجابی لدی المذاکره استیناف محکمه سنجه بدایت
قراری وظیفه نقطه سندن فسخ ایدلدکدن صکره اساس
مسئله نک کندی طرفندن رؤیت و تدقیق لازم کلورکن
بوجهتدن ذهول ایله مدعینک طرق قانونیه یه توسلده
مختار بولندیغنه قرار ویرلمسی یولسز و مخالف قانون
اولدیغندن اصول محاکمات جزایه قانونک اوچیوز
اون دردنجی و اوچیوز اون طبعوزنجی ماده لری
احکامنه توفیقاً اعلام استینافی مذکورک ذکر اولنان
اسبابدن طولای نقضنه و اوراق مرقومه نک محله
اعاده سنه ۳۱ تموز سنه ۳۲۲ تاریخنده متفقاً قرار
ویرلیدی .

محکمه تمیز حقوق دائره سندن تنظیم واعطا

قلنان اعلامدر :

نفس ایوالق قصبه سنده ساکنه دسپنه والساک

قادرین ایله قصبه مذکورده مقیم اکتور خراستیدی بیلرلنده متحدث دعوايه دائر قمرسی سنجانی بدایت محکمه سندن استیناف صفتی و ۲۵ نیشان سنه ۳۱۷ تاریخی ویکرمی طقوز عددی ایله ویریلان اعلام مزبوره دسپنه قادرین طرفدن تمیز اولمغله اعلام مذکور طرفینک اعتراض وجواب لایحه لریله برابر بالمطالعه تدقیقات تمیزیه اجراسته ابتدار اولندی .

اعلام مذکورک خلاصه مالی مزبوره دسپنه قادرین ابوالغک ایا دیمتری محله سنده متصرفه اولدیغی معلوم الحدود براب خانه سی ایکسوز التمش لیرای المدیغی مقابله سنده مرقوم خراستیدی به ترهین ایتیش ایسه ده بدل رهن اولان مذکور ایکسوز التمش لیرای المدیغی کی سند دخی ویرمامش اولدیغندن بخله رهنک ابطالیه مزاید و اقامه نك معنی ابوالقی بدایت محکمه سنده طلب ودعوی ایتیمه قارشو مدعی علیه خراستیدی دخی مبلغ مدعا بهی قومیس یون مخصوص حضورنده الدیغنی اقرار ایتدیکی جهتله بوکی اقرار رسمی به قارشو مدعیه نك ادعاسی غیر وارد اولمغله ردینی مدافعه انبا وایکی قطعه سند رسمی ابراز و اعطا ایتسی اوزرینه بوبایدکی اوراق رسمیه جلب و مطالعه ایدلرکن صکره جریان ایدن محاکمه و تدقیقات نتیجه سنده میرز بیع بالوفا سند لرینک طابو اداره سنده موجود دپ قوچاننده شخصی تعریف اولنان مزبوره دسپنه قادرین قومیس یون حضورنده بدل مذکور ایکسوز التمش لیرای اخذ و مقابلنده مدعا بهی خانه یی بیع بالوفا طریقیه ترهین ومدتی ختامنده فروخته مدعی علیه خراستیدی تی توکیل ایلدیکی محرر بولمش اولدیغندن مدعیه نك بوبایدکی ادعاسی مسموع اولمه یه جفندن ردیه و بیع بالوفا طریقیه عقد ایدیلان بیعک تصدیقه دائر محکمه مذکوردهن ویریلان اعلامک عندالاستیناف فسخندن صکره جریان ایدن محاکمه و تدقیقات استینافیه نتیجه سنده مستأنف علیه خراستیدی مزبوره دسپنه قادرینک ایکسوز التمش عدد لیرای عثمانی حای سنده کی اقرار بالکتابه سنده کاذب اولدیغنه دائر تکلیف اولنان یمنی بالقبول اجرا ایلسنه بناءً بجله نك بیک سکر یوز یکرمنجی ماده سی موجبجه مزبوره دسپنه قادرینک مرقوم خراستیدی به قارشو وقوعبولان معارضه سنک متعبله مزایده واقعه نك دوامته حکمدن ومستدعیه تمیز دسپنه قادرینک اشوب حکم علیه نه لایحه سنده محرر باشلوجه اعتراضی ترهین املاک معامله سی طابو نظامنامه سی موجبجه هر حاله دین سندنیک وجودینه وابسته اولدیغندن مجو ث غنه رهن معامله سنده دین سندی بولندیغنی جهته ابطالی لازم کلور ایکن قبول

ایدلسی ومدعا بهی خانه نك نصفی بلافراز ترهین ایدلرکی جهتله بمحکم الجله رهن مذکور صحیح اولمه یه جنی امر اشکار ایکن محکمه بهی بوجه نك نظردفته التامسی و برده بدل رهنک مرقوم خراستیدنک بطریق الحواله پدری طرفندن ویرلیدی ادعا قلمسنه نظراً بوبایدکی حواله یه کندوسنک اجازتی لاحق اولوب اولدیغنی وبوصورت صحیح اولدیغنی تقدیرده التان ایتجینی طوغریدن طوغری به مدعی نك ایفا ایتامسندن طولانی اقرارنده کاذب اولدیغنه دائر مدعی نك اجرا ایتدیکی یمینک دخی اکا کوره اجراسی لازم کلورکن بورلری حقدنه اجرای تدقیقات التامسی مغایر قانون اولدیغندن بخله اعلامک تقضی استدعاسندن ولا یحه جوابیه مؤداسی دخی اعتراضات مسروده نك غیر وارد ایدوکی بیانندن عبارتدر .

ایجابی لدی المذاکره اعلام مذکور مألندن مستبان اولدیغنی اوزره بدل رهن دنیلان ایتجینک مرقوم خراستیدنک پدری طرفندن ویرلش اولدیغنی بیان ایدلسنه و حقوق عقد عاقده راجع اولسنه نظراً مبلغ مذکورک آنک طرفندن دعوی ایدلسی لازم کلور ایکن بوبولده اجرای معامله التامسی بولسز ومغایر اصول وقانون اولدیغندن اصول محاکمه حقوقیه قانوننک ایکسوز قرق برنجی ماده سی موجبجه اعلام مذکورک تقضیه قانون مزبورک ایکسوز قرق دردنجی ماده سنک فقره اولاسی حکمه توفیقاً کیتیک صورت مشروحه دائره سنده تکرار بالرؤیه اعلامه رابطی ضمتنده محکمه مذکوریه اعاده سنه واولجه مزبوره دسپنه قادرین طرفندن ویریلان یوز التمش غروش ایله بوکره میز علیه خراستیدی طرفندن ایفا اولنان ایکسوز الی بش یحق غروشه جمعا درتیوز اون بش یحق غروش مصارف تمیزیه نك ایلروده حق سز حقیقه جق طرفه عائد اولسنه ۲۶ مارت سنه ۳۱۸ تاریخنده اکثریت آرا ایله قرار ویرلیدی .

۵۴۵ نومرو لی نسخه ده مندرج در سعادت جنایت محکمه سی اعلام نك بقیه سی :

غلطه ده ارقادی زقاعنده پاپاس قیزی میخانه سنده اقامته میخانه جیلک ایتدیکی سوبلیان یکریمی بش باشند قره مانلی پاوی ولد انطاش متهملردن واسیل طانیغنی وتوقیفخانه ده ایکن براخاش مرقوم واسیل ایله کورشمکده اولدیغنی صروده سوز صوفیه به انتقال ایتسنه بناءً کندوسنک مزبوره ایله مناسبتده بولندیغنی وبرکون کپک المی اوزره اوسته سی طرفندن اون قیانه کوندوبلرک وچو جق اسکمه سنی دخی صوفیه به

برای اعطا ویرلرک کیتدیکی ومن بوردنک نقل ایتدیکی خانه یه وارد یغنده جلال افندی نی اوراده کورمسیله حدت ایدرک جرح ایلدیکی سوبلیدیکی افاده ایتدی .

متهملردن واسیل کندوسی بویه برسوز سولید یکی جوابنده بولندی .

ایاصوفیه ده آشجیلک ایتدیکی سوبلیان نوشهرلی اوتوز درت یاشنده لغتر ولد نیقولی جلال افندی نی طانیغنی ومتهملردن پراشکوهی ای آدم اولدیغنی بیلیدیکی وبشقه شیدن معلوماتی اولدیغنی بیان ایتدی . اظهار حق شاهد لر دن شا کر بک خسته ایدوکی خبر ویرلکه جلب واستماعندن فراغت اولندیغنی وصوفیه قادرینک اشیا سی طاشیان حال حسن و ابراهیمک دخی اظهار حقه مدار اولق اوزره جلب واستماع لری تنسب ایدلیدیکی جانب ریاستدن طرفیه بالتفهیم حزیرائک بشجی بازار ایتسی کونی متهمان مرقومان علی الاصول توقیفخانه دن کتوردیلرک وکیل داویددر موسسیان افندی ایله والیاس سیموناکی بک ومعاون مومی ایله حاضر اولدق لری حاله محاکمه صالونه چیقیلر ق وهیئجه قسماً تبدل وقوعنه مبنی ضوابط سابقه اوقوتدر برابرق مندرجاتی طرفیندن تصدیق ایدلیدی .

اظهار حقه مدار اولق اوزره جلب واستماعی جانب ریاستدن تنسب ایدیلرندن اولوب دعوت واقعه به اتباعاً ورود ایتدیکی خبر ویریلان قیاصقالده اقامته بلیدجیلک ایتدیکی افاده ایدن اوتوز یاشنده اقره لی حسن بن علی متهملردن پراشکوهی ایلرلش اولان صوفیه نك اشیا سی بک اوغلنده ایتنه لی چشمه یه نقل ایتک اوزره بازارلق ایدرک کوتورمکده لر ایکن ایازمه قپوسه کوتورتدیکی وصوفیه نك محل اقامتی کندوسندن صوران اولدیغنی اتیان ایلدی .

متهملردن پراشکوه صوفیه نك اشیا سی حاملردن حسن و ابراهیم طاشیغنی ومن بوردنک اشیا سی اینه لی چشمه یه کوتورمک اوزره بازارلق ایتدیکنندن واشیا سی ایازمه قپوسه کوتورتدیکنندن مرقوماندن ابراهیم ایله حالیه دن طولانی ازه لرنده سوز جریان ایتدیکی و اوصرده مته واسیل دخی یانلرنده اولد یغندن ایشتمش اولدیغنی یاد و دیگر مته واسیل دخی پراشکوه نك حاللر ایله منازعه سی زماننده حاضر بولندیغنی ایراد ایدیلر .

حاملردن ابراهیمک مملکته کیتش اولدیغنی خبر ویرلدیکنندن مرقومک جلب واستماعندن فراغت ایدلیدیکی جانب ریاستدن اکلا دلدی .

طرفینک توسیع تحقیقاته متعلق بشقه طلب لری

اولوب اولدیغنی صورلدقده متهملردن پراشکوه وکیلرندن حسن بک معذرت مشروعه سی جهتله کله مدیکندن یوم آخره تعلیق ایتدعا ایتکه لدی التأمل متهم مرقومک طلب واقعی موافق قانون اولمغله محاکمه نك اکالی یوم آخره بر اقیلر ق حزیرائک اون بشجی بخشیه کونی متهم واسیل و پراشکوه علی الاصول توقیفخانه دن کتوردیلرک مرقوماندن پراشکوه نك وکیل لری حسن بک وداوید در موسسیان افندی ایله طرفندن بالاخره تسجیل ایدیلان و اوراق دعوائی محکمه قلمنده مطالعه ایله مدافعه یه مهیا ایدوکی سوبلیان محکمه نزدنده مستخدم دعوی وکیلرندن کرقرور قلابجیان افندی ومعاون مومی ایله حاضر اولدق لری حاله محاکمه صالونه چیقلدی .

وهیئجه قسماً تبدل وقوعنه مبنی ضبط سابق اوقوتدر برابرق مندرجاتی طرفیندن تصدیق ایدلیدی . مع هذا طرفینک توسیع تحقیقاته متعلق بشقه طلب لری اولدیغنی لدی السؤل اکلا شلمغله تحقیقاتک بولندن عبارت ایدوکی بیان اولندقده معاون مومی ایله متهملردن پراشکوه نك زوجه غیر مشروعه سنک آیرلسندن متولد اغبرار وخصومتیه بناءً واسیلی بالتحریرک جلال افندی نی جرح و قتل ایلیدیکی واسیلک اقرارینک خبر ویرلسی وشاهد لرک شهادتی ومعاینه راپوری مندرجاتی ودلائل سائر ایله ثابت اولدیغندن مرقوماندن واسیلک بالتصور قاتل و پراشکوه نك آمر غیر مجبر اولق اوزره مجرمیت لرینه قرائ ویرلسی طلب وادعا ایلدی .

متهملردن واسیلک مدافعه وکی کرقرور قلابجیان افندی جریان ایدن تحقیقات ومحا کادن مومکنک قاتل اولدیغنی اکلا شلیدیغنی وفی الجمله مقتول جلال افندی مومکنی وهیچ اولمز ایسه صوفیه دن طولانی پراشکوهی طانیسی ایجاب ایدرایکن مقتول مرقومک افاده سنک ضبطنده النده قما ایله دردست اولنان شخص طرفدن جرح ایدلش اولدیغنی مجهول صورته سوبلیی مومکنی علیه نه استعمال ایدیه میوب زیر جرح ایدن واسیل ویا خود پراشکوه نك چراغی دیمسی لازم کلدیکی ومومکنک وقوع جرمندن بش ماه مقدم پراشکوه نك یانه کیتش اولسندن طولانی بومدت ظرفنده مرقومان بیننده پیدای خصوصیتله بویه بر تصور تی تکلیف ایتسی مستبعد اولدیغنی و پراشکوه نك حسن رضاسیله آیرلش اولان صوفیه دن بر منفعت انتظار ایتدکن ماعدا فرض محال اوله رق بویه بر فعلی ترویج ایتش اولسه مقتول جلال افندی حقدنه اولیوب هر حاله صوفیه حقدنه اولسی ایجاب ایده جکی وصوفیه نك برکون مقدم طاشتمش اولسی اعتباریه مومکنی طرفندن محل اقامتی بیلنه میه جکی

وصوفیه نك حین ایقاع جرمده اقامت ایتدیکی خانه نك خان قیلندن اولسی ورجوق اشخاصک اقامتکاهی بولنسی اعتباریه محل جرمده الیه ایدیلان بجاعک مومکنه اضافته فاعل جرم اولدیغنک کسدریه میه جکی وصوفیه نك افاده سی ایسه اسباب ثبوتیه دن صایله میه جغنی ایراد و پراشکوه نك وکیلرندن حسن بک مومکنک اشبو جرمی واسیله امر ایدرک ایقاع ایتدیرمش اولدیغنی حقدنه هیچ بر دلیل واماره اولدیغنی وبولندن بشقه سبب قتل دنیلان صوفیه ایله بالتراضی آیرلش وبوباید صحتنامه دخی بولنش اولدیغنی جهته مزبوره صوفیه حقدنه بر حسن خصومت بسلیه میه جکی واستاع اولنان شاهد لر دن دورمش اغناک مومکنی پراشکوه نك آیرلیدی کون بشوش اوله رق الحمداه بر بلادن قورتدم دیدیکی اودیکر متهم واسیلک صوفیه ایله مناسبتده بولندیغنی خبر ویرمسی لهنه خادم احوال دن معدود ایدوکی وا کرچه مومکنی صوفیه نك چوغکک اونوش اولدیغنی اسکمه سنی کپک المغه کوندردیکی دیگر متهم واسیله تودیع ایتش ایسه ده بو حالک قتل ایچون امر ویردیکی میدان ثبوتیه کتوره میه جکی ومرقوم واسیلک مقتول اولان خانه ده مقتول جلال افندی نی کورمسی تهورینی موجب اوله رق فعل قتل ایقاع ایتش اوله یغنک لازم کلدیکی وداویددر موسسیان افندی دخی مومکنک مقتول جلال افندی نی طانیغنی برونه عداوت بلسمی غیر قابل بولندیغنی وامرک قولاً ومالاً اوله یلله جکی ومومکنک واسیله پاره وامر ویردیکی حقدنه ایسه محکمه بهی برکونه دلیل واماره کوریه مدیکی یادایله مومکلرینک برائته قرار ویرلسنی استدعا ومتهم واسیل و پراشکوه ده دیه جک لری اولدیغنی انبا ایتلرله ختام محاکمه جهراً طرفیه اکلا دیلر ق مذاکره اوطه سنه کیدلیدی .

تفصیلات مبسوطه دن مستفاد اولدیغنی وجهله متهملردن واسیلک بالتصور جلال افندی نی جرح و قتل ایلیدیکی ادعا اولتمسه قارشو متهملردن واسیل دیگر متهم پراشکوه طرفندن کندوسنک کپک المی اوزره اون قیانه کوندردلیدیکی وعودنده صوفیه نك خانه سی اوکندن کپهرک مزبوره نك وقوع دعوتیه مبنی خانه سنده دخول ایتسی اوزرینه صندوغنده کی اشیا سنک ضیاعندن بخله کندوسی ضرب ایتدیکی ودر دست اوله رق مرکز کتورتدکرلرند جلال افندی نامنده برینک جرح ایدلش اولدیغنی خبر الیغنی محکمه ده بیان ومدافعه وکی دخی بر طاقم مدافعات سردیه مومکنک برائته قرار ویرلسنی اتیان ایتلرندن ناشی جریان ایدن مذاکره طرفینک ادعا ومدافعاتی وضع موقع تحقیق وبالجله اوراق موجوده وضوابط محکمه مندرجاتی مطالعه و تدقیق و کیفیت تعمیق ایدیلرک

فصل مسئله یه کیریشلرکده وقعه کونی خراستینا قادرینک خانه سنک اوست قاتنده بولیس یوقی دیو وقوعبولان فریاد اوزرینه یوقاری چیقدق لرنده متهملردن واسیل اورت قاتده النده بجاق اولدیغنی حاله کورملرله بجانی اتدن الهرق مرکز اعزام ایلدک لری یوقاری چیقدق لرنده جلال افندی نی قارندن مجروح اوله رق یاتقده اولدیغنی کوروب سؤل ایتدکارنده الندن بجانی الیغکز آدم اوردی دیدیکی وبجاعک قاتلی اولدیغنی کوردک لری ومرقوم واسیلک استجوابنده اوسته سی دیگر متهم پراشکوه نك مانوتیتاسی اولوب مفارقت ایدن صوفی قادرین کپه ایله کوریشورایسه اورکل بن سنی قورتاریرم دیو واقع اولان تشویق اوزرینه مقتول اولان خانه یه کیدوب جلال افندی نی مزبوره ایله برلکده عشرت ایتکه ده اولدیغنی کورمسیله جرح ایلیدیکی طایعاً اقرارده بولندیغنی ادعا شاهد لر دن قومیسر محمد وبولیس جاوشی خلیل وبروکار حافظ اسماعیل افندیلر ایله رزی عمله سندن اسپرونک و جلال افندی نی جرح و قتل ایلیدیکی رأی العین کوردیکی صوفیه نك حضور محکمه ده مع القسم وعلی الدرجات اخبار ایتلرینه ومرقوم واسیلک تحقیقات ابتداییه ده اوسته سی پراشکوه نك تشویق وامرله جلال افندی نی جرح و قتل ایلیدیکی وعند الاستیطاق اوسته سنک ویرمش اولدیغنی پاره ایله الیغنی کپکی کوندردکن صکره محل جرمه کیدرک صوفیه نك دعوی اوزرینه یوقاری چیقدیغنده اوطه ده اوطور مقده بولنان بر افندی نک کندوسنه هجوم وضرب ایتسی جهته فریاد ایدرک کلان بولیس افندیلر کندوسی دردست ایله مرکز کتورتدکرلری سوبیلرک وعند الحاکمه دخی اول امرده صوفینک خانه سنه کیتدیکی و جلال افندی نی جرح و قتل ایلیدیکی کلیاً انکار وبالاخره افاده استیطاقیه سنک قرائنده مندرجاتی بعد التصدیق یالکز اوطه یه کیددیکی وبرافندی نک اوطوروب عشرت ایتدیکی سوبلیدیکی تذکار الیه رک توفیق قبول ایتیه جک صورته متناقص کلامده بولنسی علیه نه اولان اخبارات ودلائله تقویت ویرمسه والنده قاتلی بجاق اولدیغنی حاله محل جرمده دردست اولسندن ده علیه آیروجه قرینه قاطعه حاصل والنده بجاق طوتیلان مرقوم واسیل اولوب مقتولکده بی جرح ایدن النده بجاق اولان شخص دیمسی متهملردن واسیله عائد اولدیغنی خصوصنده هر دلو تردد وشبهه زائل ومقتول جلال افندی نك ناحیه شرسوفیه سندن الت قاطعه ایله جرح ایدیلرک جرحه سی سبیله التهاب بریطون حاده دن وفات ایتدیکی طیب راپوری شامل اولسنه ومتهم واسیلک مزبوره

صوفیه نك محل اقامتی اثاث بیتیه سنی نقل ایدن حاملردن
استخبار ایلدیکی تحقیقات جاریه دن اکلاشللمسینه
واکرچه محل جرم خان قیلندن ایسه ده اشو جرمک
واسیلدن غیرسنک ایقاع ایتسی احتمالی مفقود
وصوفیه نك واسیل حقنده کی افاده سی شهادت و تحقیقات
سائر ایله تأید ایتدیکندن اسباب ثبوتیه دن معدود
بولنسنه مبنی متهم واسیلک تأویلاتی ومدافعه وکیلنک
بالجمله مدافعاتی اصلاً شایان قبول اولیه جق مالایعیدن
عبارت والغرض متهملردن واسیلک ۳۲۱ سنه سی
اغستوسنک اون ایکنجی کونی ایازمه قیوسنده کائن
خرستینا قادینک خانه سننده جلال افندی نی بچاقله
جرح و قتل ایتدیکی مثبت اولوب انجق کندوسنک
دریستنده اوسته سنک امریله قتل مذکور ایقاع
ایتدیکی حقنده اولان سوزینه دیگر اماره منضم
اولامش واقارک حجت قاصره دن بولنسنه کوره یالکیز
کلام واقع مبحوث عنهنک اوسته سی دیگر متهم
پراشکوه ایچون حکمه کافی کورنماش اولدیغندن
وچونکه مرقوم واسیلک مزبوره صوفینک یاننده
مقتولی کورنجه غضبی فوران ایدرک جرح ایتسی
وامر اولدینی حالد قورتیله جنی ذهابنده بولنه رق
جرمی اوسته سنک اوزرینه آتسی محتمل ایدوکندن
وتقابل احتمالاتده مجرم لک لهنه عائد اسبابک ترجیحی
قواعد عمومیه دن بولندیغندن متهمانندن پراشکوه نك
آمر وواسیلک دخی قاتل متصور اولدینی حقنده
اکثریت نلنن آرا حاصل اوله مامغله وشو حالد معاوان
مومی الیه کده تصور جهته وپراشکوه نك مشارکته
دائر دعواسی قبول ایدیله مامکله مرقومانندن واسیلک
بالتهور قاتل اولدینی جرمیله مجرمیته وپراشکوه نك
دخی برائته وجاهاً قرار ویریلرک محاکمه اوطه سنه
عودتله قرار مذکور علناً قرائت وتفهم اولندقدن
وبرائته قرار ویریلان پراشکوه نك متهم صندالیه سنندن
خارجه چیقارلدقدن صکره معاوان مومی الیه و مجرم واسیلک
دیه جکی اولدیغنی انبا ایتلریله جزایه متعلق محاکمه نك
دخی ختام بولدیغنی طرفینه کلا دیله رق تکرار مذاکره
اوطه سنه کیدلدی .

جهت جزائییه سی حقنده دخی مذاکره کیفیت
اولندقدن مجرم واسیلک مرتکب اولدینی فعل و حرکت
قانون هایون جزانک یوز یتش دردنجی ماده سنک
فقره اولاسنه موافق و فقره مذکوره برکیمسه
من غیر تعمد بر شخصی اتلاف ایتش ایسه اون بش
سنه مدتله کورکه وضع اولنور عبارده سنی ناطق
اولدیغندن مرقومک فقره مذکوره حکمنه توفیقاً
وابتدای توقیفی اولان ۳۲۳ سنه سی جمادی الآخره سنک
یکرمی سکننجی کونندن اعتباراً اون بش سنه مدتله

کورکه قونلسنه ومصارف محاکمه اولان جمعاً یوز
سکسان غروشک دخی کندوسندن بالتحصیل تسلیم
وزنه ایتدی رلسنه ۳۲۲ سنه سی جزیرانک اون بشنجی
کونی وجاهاً ومتفقاً قرار ویریلرک اصول تفهیمی
اجرا قلندی .

طناشک ضرب و ایراث خساره جرأتی اکلاشیه
مدیغندن برائته

علی بکک یحی افندی یه ضرب ایله اطاله لسانه
جرأتی تین ایدم دیکنندن برائته

ایضای مأموریت حالنده ایکن پولیس خیری
افندی یه تحقیر آمیز معامله ایلدیکی تین ایدن بیوک
درده ساکن واسیلدن ایکی التون جزای تقدی
اخذینه

حسین افندی نك اچقه سنی سرقت ایدن ایوانسرایده
قهوه جی علینک اوچ ماه حبسنه

خلاف تنبیه حرکتی تین ایدن ولیدن برشلک
جزای تقدی اخذینه

تقوهات غیر لایقده بولان فیروز اغاده ساکن
اغوبک التی آی حبسنه

پولیس امین افندی نك دقتسزلکله مجروحیته
سببیت ویردیکی تین ایدن غلطه ده ساکن دستکاهدار
دیمترینک اون کون حبسیله برابر کندوسندن یکرمی
غروش مصارف جراحیه نك بالتحصیل مجروحه
اعطاسنه

تراموای بیلتجیسی موسایی ضرب ایدن ایسا
قدن ایکی التون اخذیه مضروبه اعطاسنه

شوکت چوجنی ضرب ایدن فوطیدن ایکی التون
النوب مضروبه اعطاسنه

خلاف تنبیهات حرکتی تبیین ایدن قاسم پاشاده
ساکن اسماعیلدن بش بشلک جزای تقدی اخذینه

بکچی حاجی ابراهیمی ضرب ایلدیکی تین ایدن
مصطفی افندی نك اون کون حبسنه

محله اره سننده طبانجه انداخت ایدن اسماعیل حق
افندی نك ایکی کون حبسیله برابر کندوسندن بش
بشلک جزای تقدی اخذینه

لوپینه لوی ایله اجرای وظیفه حالنده پولیس
صادق افندی نی ضرب ایدن انسطاشک التی یچق ماه
مدتله حبسنه بک اوغلی بدایت محکمه سی جزا دائره
سنجه قرار ویرلشدر .

مُجَازِلَاتُ نَدَبِیَّه

کواش قضاسی بدایت محکمه سی اعضاسنندن

اولوب مستنطقک وظیفه سنی ایفا ایدن عطا بکک
مغایر قانون حالاته جرأتی ومستنطق معاوانی شعبان
افندی وژاندارمه سلیمان چاوش ایله احمدک اشتراکری
حقنده اخبارات موجود اولدینی وان ولایتی استیناف
محکمه سی مدعی عمومیلکنندن وارد اولان اوراق
محتویانندن اکلاشللمسینه بناء دیگرلری حقنده توحیداً
اجرای تحقیقات اولنق اوزره مومی الیه عطا بکک
بالعزل محاکمه آتته النسنه عدلیه نظارت جلیله سنندن
مأذونیت اعطا واولوجهله محله تبلیغات مقتضیه ایفا
قلنمشدر .

اِیْلانات

ارضروم ولایتی مرکز تجارت محکمه سننده :

مقدما افلاسنه قرار ویریلوب مؤخرأ داینی
مانچسترده ساکن فردیناند پوش وکیلنک الهجغنی
کاملاً الدیغنه دائر باستدعانا مه وقوعبولان اقرارینه
واعلانات قانونیه ایفا ایلدیکی حالد بشقه داینی ظهور
ایتماسنه بناء اوزرنده کی موقت افلاس قرارینک رفعه
قرار ویریلان ارضرومک قاضی اوغلی خاننده وایسان
میساق افندی نك اعاده اعتبارینه دائر بوکره ارضروم
ولایتی مرکز تجارت محکمه سنندن اعطا ایلدیکی
استدعانا مه سی اوزرینه اعلان کیفیته ابتدار اولنور .

شیله بدایت محکمه سی امر ارضروم سننده :

قره برون تخلیصیه خدمه سنندن حسین چاوشک
شیله قضاسنه تابع قورنه قریه سی اهالیسنندن طوبجی
اوغلی فیضاه ذمتده کسب قطعیت ایتش برقطعه
اعلام نظامی موجبجه مع مصارف محاکمه وسائر
مطلوباتی بولنان مبالغ معلومه نك تأمین استیفاسی ضمننده
مدیون مرقوم فیض اللهک تصرفنده مقید اولوب
حجز آتته النمش اولان قریه مذکوره حدودی داخلنده
دکرمان یانی موقعنده کائن طرفلری محمد و دلسز
ودره ایله محدود تخمیناً ایکی دوئم برقطعه چالیلق
وینه قریه مذکوره حدودی داخلنده اولنق ترلا
موقعنده کائن طرفلری محمد امین و کور حسن اوغلی
وامین وعبداه املاکی ایله محدود بردوئم سکنز یوز
ذراع برقطعه ترلانک تاریخ اعلاندن اعتباراً اون بش
کون صکره بالمزایده فروخته تشبث اولنه جنی شیله
بدایت محکمه سی اجرا دائره سنندن اعلان اولنور .